

Na osnovu člana 56. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj: 35/05), tačke III i IV Odluke Vlade Federacije Bosne i Hercegovine o usvajanju Programa utroška sredstava sa kriterijima raspodjele sredstava „Tekući transferi pojedincima – Transfer za raseljena lica i povratnike“ utvrđenih Budžetom Federacije Bosne i Hercegovine za 2023. godinu Federalnom ministarstvu raseljenih osoba i izbjeglica, V. broj: 225/2023 od 16.02.2023. godine („Službene novine Federacije BiH“, broj: 13/23) i člana 26. Pravilnika o unutrašnjoj organizaciji Federalnog ministarstva raseljenih osoba i izbjeglica, broj: 02-02-312-15/23 od 23.03.2023. godine godine, federalni ministar raseljenih osoba i izbjeglica, **raspisuje**

JAVNI POZIV

za finansiranje projekata udruženja raseljenih lica, povratnika i izbjeglica iz oblasti kulture i sporta, usmjerenih na unaprjeđenje položaja i statusa ovih kategorija društva

I

Predmet Javnog poziva je prikupljanje prijava za sufinansiranje projekata udruženja raseljenih lica, povratnika i izbjeglica iz oblasti kulture i sporta, usmjerenih na unaprjeđenje položaja i statusa ovih kategorija društva.

II

Pravo sudjelovanja na Javnom pozivu ostvaruju udruženja, koja u svom članstvu imaju raseljene osobe, povratnike i izbjeglice, odnosno udruženja čije su programske aktivnosti usmjerene na unaprjeđenje kvaliteta života ovih kategorija našeg društva.

III

Prijedlog raspodjele i isplate namjenskih sredstava iz tačke I ovog Javnog poziva vršit će se u skladu sa općim i posebnim kriterijima iz sredstava utvrđenim Budžetom Federacije Bosne i Hercegovine za 2023. godinu iz „Tekući transferi pojedincima – Transfer za raseljena lica i povratnike“.

IV

Opći kriteriji za odobrenje sredstava za sufinansiranje projektnih prijedloga Udruženja treba da sadrži sljedeće dokumente:

1. Čitko popunjen, potpisan i ovjeren aplikacioni formular;
2. Ovjerena kopija akta o registraciji;
3. Ovjerena kopija Statuta;
4. Kopija uvjerenja o identifikacionom broju;
5. Kopija ugovora sa bankom o otvaranju transakcionog/tekućeg računa;
6. Izvještaj o utrošku sredstava za one koji su dobili finansijska sredstva od ovog ministarstva u 2023. godini, ako ranije nije dostavljen;
7. Obrazložen projektni prijedlog.

Posebni kriteriji su:

1. Brojnost članova - spisak članova udruženja, ovjeren od strane odgovorne osobe udruženja;
2. Širina i veličina prostora u kojem udruženje djeluje (na području MZ-e, više MZ-a, općina,

- kanton, entitet) a dokazuje se izjavom od strane odgovorne osobe udruženja ili drugi adekvatan dokaz;
3. Rezultati i uspjesi u realizaciji dosadašnjih projekata i njihov značaj za članstvo i daljnji rad Udruženja – dokaz Izvještaj o radu;
 4. Kvalitet, kompletnost i originalnost projekta u smislu poboljšanja kvaliteta života povratničke populacije – dokaz: originalni projekat ili kopija;
 5. Finansijski plan rada za 2023. godinu iz kojeg se vidi visina sredstava potrebnih za sufinansiranje programa rada;
 6. Očekivani efekti projekta/programa – dokazuje se Izjavom o očekivanim rezultatima.

V

Izbor projekata i korisnika pomoći po osnovu ovog Javnog poziva će vršiti Komisija koju je imenovao Federalni ministar raseljenih osoba i izbjeglica.

Komisija će razmatrati prijave u skladu sa „Procedurama za finansiranje projekata udruženja raseljenih lica, povratnika i izbjeglica iz oblasti kulture i sporta, usmjerenih na unaprjeđenje položaja i statusa ovih kategorija društva“ koje će donijeti Federalni ministar raseljenih osoba i izbjeglica, te u skladu sa odredbama ovog Javnog poziva. Komisija neće razmatrati prijave udruženja koja nisu dostavila Izvještaj o utrošku namjenskih sredstava iz ranijih godina do objavljivanja ovog Poziva.

VI

Aplikacioni formular će biti objavljeni na WEB stranici Federalnog ministarstva raseljenih osoba i izbjeglica (www.fmroi.gov.ba), a moći će se preuzeti i lično u prostorijama Federalnog ministarstva raseljenih osoba i izbjeglica na adresi Hamdije Čemerlića 2, Sarajevo.

Prijave sa svim traženim dokumentima dostaviti lično ili poštom preporučeno , u zapečaćenoj koverti sa naznakom:

**“Prijava na Javni poziv za finansiranje projekata udruženja raseljenih lica, povratnika i izbjeglica iz oblasti kulture i sporta, usmjerenih na unaprjeđenje položaja i statusa ovih kategorija društva“
(Na poledini koverte navesti naziv/ime i prezime podnosioca, tačnu adresu i kontakt telefon).
na adresu:**

**Federalno ministarstvo raseljenih osoba i izbjeglica
Ul. Hamdije Čemerlića br. 2, 71000 Sarajevo**

Javni poziv ostaje otvoren **21 dan**, od dana objavljivanja.
Dodatne informacije mogu se dobiti na tel: 033/444-563.

Nepotpune i neblagovremene prijave neće se uzimati u razmatranje.
Federalno ministarstvo nema obavezu vraćati predatu dokumentaciju aplikantima.

MINISTAR

dr.sci. Edin Ramić

Broj: 05-32-5- 650-1/23
Sarajevo, 27.04.2023. godine

